



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

Decretvm V. De indulgentiis.

urn:nbn:de:hbz:466:1-14298

perforatæ inclusam , vel pretiosum aliquod unguentum continuo secum deferat , & naribus odorandi causa identidem admoveat : tempora etiam ac nares acceto vel oleo juniperi sepius inungat . 9. Quantum per sacra officia licebit , vacuum stomachum non habeat , nec tamen plenum , multo minus caput ebrium , ex quo sui ipsius , & totius populi certissimus sequatur interitus . 10. Ante omnia vero Sacerdos in gratia Dei constitutas sit , quæ alios docet verbo , ipse opere & exemplo prius compleat : singularem Pauperum curam teneat : Deum pro sua & gregis sui salute indefinenter oret : Castitatis , humilitatis , magnanimitatis , devotionis , patientiae , temperantiae , mansuetudinis , charitatis , & aliarum virtutum splendoribus cunctis prælucet . Atque hinc in tanta rerum calamitate , corpus & animam suam procul dubio ipse servabit , ac toti populo consolationem affret non vulgarem .

DECRETUM I.

De clausura Monialium.

IN dicta visitatione hac æstate à Nobis facta comperimus , in Monasteriis Monialium necdum clausuræ necessariæ provisum : Et uti Nobis non ignotum est , ab uno extremo ad aliud sine medio perveniri non posse , etiam abusus præcedentium annorum , præsertim belli tempore introductæ majoris licentia , ac libertatis non statim tolli : ita etiam ex officio Pastorali , munereque Nostro Episcopali tene-
mur , ad clausuram , ubi non est , erigendam , vel ubi non perfecta servatur , quantum possumus , introducendam . Quare Nostris Commissariis & Visitatoribus serio præcipimus denuo , ut ei negotio diligentius intendant , ac , uti necessarium viderint , Nostro nomine fieri curent ; Contradictores & opposentes censuris compescant , etiam si opus , brachium sæcularē implorando . Quoad Monasteria exempta Superioribus Regulares non solum ad hæc omnia exequenda serio in Domino hortamur , verum etiam , uti Delegatus sedis Apostolicae , sub poenis Ecclesiasticis demandamus . Omnes autem Confessarii , seu Patres Monasteriorum diligenter ad clausuram attendant ; contravene-
nientes superioribus deferant , ipsumet etiam eam obseruant , nec nisi in casibus à jure con-
cessis intrent : minus cum Monialibus aut Laicis , secumve dispensare attinent , sub poenis & censuris Canonicis , juxta constitutiones no-
vissimas summorum Pontificum .

DECRETUM III.

De habitu religioso Monialium.

MAgnum vidimus diversitatem in his Mo-
nasteriis quoad habitum regularem ,

cum is vol non secundum regulam servetur , vel non sit uniformis cum aliis locis ejusdem ordinis : Unde volumus , ut omni exemptione leprosa , is sit habitus singulis Professis , Novitiis , & Virginibus Laicis , quem regula præscribit , & ulla in aliis Monasteriis reformati habet , modestiaque ac humilitas religiosa commendat .

DECRETUM IV.

De puellis , in Monasteriis educandis.

QUAMVIS nullo Concilii decreto , aut alio jure prohibeat , quo minus puellæ in Monasteriis Monialium edacentur , si eadem Monasteria ante concilium Tridentinum consueverint hujusmodi puellas recipere ; decrevit tamen sacra congregatio , ne citra suam , & Superioris (qui respectu non exemptarum est Ordinarius , respectu exemptarum Præla-
tus Regularis) licentiam scriptam , consen-
sumque Monialium capitulariter , & per suffragia secreta datum , admittantur . Ubi vero admissæ fuerint , statuit , ut in loco separato , tam à dormitorio Monialium , quam à loco in quo ipsa Moniales vacare operibus manuum solent , habitent ; communi vietu utantur ; eandem servent clausuræ legem , quam Moniales ipse , & si semel dimissæ exierint , nullam habeant revertendi facultatem . Vestiū incedant convenientie virginali illarum mode-
stia ac pudicitia , præcisis inanibus deliciis : nigri tantum , vel fuscæ , aut etiam albi coloris sit vestitus totus ; non sericas vestes adhibeant , & nullo prætextu exquisito utantur ornatu , vel modernis mondaniis vanitatibus aptato ; nec cincinnatae incedant , neque monilia , neque inaures , aut ejus generis inanæ delicias ferant : nullas secum adducant famulas sine spe-
ciali congregationis licentia : non admittantur minores septem annis , neque ultra 25 æta-
tis annum in Monasteriis manere possint ; sine speciali dictæ congregationis indulto : Nullæ etiam alterius religionis ullo modo reci-
piantur sine Nostra expressa licentia .

DECRETUM V.

De indulgentiis.

CUM etiam abusum videamus , & decreta Nostra Synodalia de indulgentiis , quæ à fide Apostolica obtinentur , sine Nostro consensu ac præscitu , juxta constitutiones Pontificum , non promulgandis , non observari sentiamus : hinc districte iterum mandamus omnibus Ecclesiis , & Ecclesiasticorum locorum Rectoribus , ut intra mensis spatium Nobis originales literas exhibeant carum indulgentiarum , quæ adhuc durant , vel non revo-
catæ sunt , vel termino annorum nondum elapsa , adhuc vigent : nec ulla in posterum pro-
mulgent ,

mulgent, ac divulgant, priusquam Nobis vel Officiali Nostro debite exhibitæ sint, & ad publicandum approbatæ.

DECRETVM VI.

Cum eriam sanctissimus Dominus Noster Papa Alexander V II, ut modernarum Ecclesiæ, tum belli, tum pestis necessitatum à Deo removendarum, remedium facilius certiusque impetrari possit, generale jubilæum, liberaliter thesaurum Ecclesiæ spiritualem dispensando, concesserit, prout per alias Nostras patentes propediem publicari faciemus: hinc volumus ut omnes & singuli Pastores populum ad pietatem, pericula belli & pestis amovenda, tantumque thesaurum lucrandum, ferè instruant, hortentur, ipsique suo exemplo in jejuniis & orationibus præeant.

Letto hoc decreto subiecti Illustrissima sua Celsitudo:

Charissimi, Cogitate hoc medium acceptabile pro salute vestra & populi vobis commissi. Cogitate necessitates Ecclesiæ, dum Catholici Reges vel inter se dissident, ac leviant armis, vel ab Hæreticis, imo Turcis infestantur, ac opprimuntur, & orthodoxa fides multis in locis vel eliminatur, vel periclitatur. Quare populum etiam vobis commissum diligenter instruite, ad devotionem incitate, vosque illum bono exemplo zelose provocate; ne hostibus tam feris superioribus, belli incommoda iterum etiam ad nos revertantur.

DECRETVM VII.

De Peste.

VIdemus iram Dei vicinam foribus nostris se insinuare, dum lues Epidemias in circumiacentibus Provinciis sat crudeliter graffatur: Quare dicti curati tanto magis populo pericula ante oculos proponent, penitentiam inculeabunt, ad devotionem excitant; præter ea, etiam illas quas ante duos menses aliis nostris decretis pro avertenda hac lue fieri preces ordinavimus, diligentissime usque ad nostram revocationem observari volumus. Specialiter vero attendent, ut si quis aliquo morbo corripiatur, statim confessio nem peragat, & sacram Eucharistiam sumat: modum vero ulterius agroto tam quoad spiritualia quam temporalia providenti, supra a Nobis indicatum, nullatenus quicunque curam animarum habet intermitteat.

Hic denso sua Celsitudo interlocuta est.

Similiter, Charissimi Fratres, pensate, pensate securim ad radicem vestram positam; periculum imminet ne arbor brevi cadat, vel in Austrum, vel in Aquilonem. Maxime Pastores diligenter sibi carceant, & ergos non negligant; quia obligationem habent, reddituri rationem Deo, si anima pereat, ac Nobis, si non debitum præsent officium.

Monendum populus ut preces diligentius ad Deum fundat, vicinaque loca & commercia caue devitet: Si lues pestifera in aliqua parochia incepit, quod Deus avertat, graffari, Pastor statim teneatur sub pena notificare Officialis secularibus, à quibus Nos informationem habebimus, remediaque debita ordinabimus.

DECRETVM VIII.

Cum deprehendamus non sine magna peccandi occasione, & animarum periculo, nuptias post contracta sponsalia etiam inter plebejos (qui saepe status sui periculum non expendunt, nec errore quodam ducti agnoscunt) in longum tempus differri, interim multos familiaritate sua abuti. Nos, quantum in Nobis est, huic malo occurrere cupientes, monemus omnes animarum Curatores, ut ad hujusmodi mala diligenter attendant, Superioribus denuncient, & quantum in ipsis erit persuadere conentur, ut juxta Concilii Tridentini decreta, & Agendam nostram Osnabrugensem, quam primum fieri potest, sponsilibus contractis, matrimonium in facie Ecclesiæ solennizetur.

DECRETVM IX.

Cum etiam in ultima Synodo Nostra autumnali, urgentibus de causis, ad plura evitanda scandala, & tollendos abusus maturo judicio & consilio vestro statuerimus, ne quisquam Parochorum diebus Dominicis & Festis matrimonio solennizando afflatur, neque Sacramentum Baptismi, extra necessitatibus casum, infantibus scilicet notoriè de vita periclitantibus, administraret: Nos autem non sine animi dolore, & justa indignatione intelleximus, ex Diaboli instinctu faluberrimum hoc nostrum decretum ab intento scopo finistrè detorqueri, dum Sacramentorum administratio in profanum quidem diem differtur, convivia vero non minus quam ante hac in Festis & Dominicis instituuntur, ac celebrantur. Quoniam vero ex inordinata hac agendi ratione, non solum in Sabbathis & Vigiliis, occasione munierum præceptum Ecclesiæ carnium esu violatur, verum etiam debitus dictis festis diebus Dei cultus in compotationes & commissationes cum læsione Divinæ majestatis commutatur; quin etiam probi ab officiis divinis vel abstrahuntur, vel impediuntur. Præter haec personæ ipse Matrimonii sacramentum posterum die recepturæ, ad illius virtutem, quæ divina gratia est, per dictos prævios excellit, & forsitan peccata, inhabiles, imo indignas se efficiunt, potiusque iram divinam ac maledictionem, quam benedictionem super se inducunt. Hinc Nos pro munere Nostro Pastorali damnatos istiusmodi abusus